



# PREZIDÊNCIA KONSELLU MINISTRUS

VI GOVERNUN KONSTITUSIONÁL

DILI, LORON 12 FULAN-JANEIRU TINAN 2016

## KOMUNIKADU IMPRENSA

### **Sorumutuk Konsellu-Ministru iha loron 12 fulan-Janeiru tinan 2016 nian**

Konsellu Ministrus hala'o sorumutu iha tersa-feira ne'e, loron 12 fulan-janeiru tinan 2016, iha sala sorumutuk Konsellu-Ministru nian, iha Palásiu Governu, iha Dili, no aprova ona:

- 1. Rezolusaun Governu nian kona-ba protokolu sira asisténsia téknika no administrativa nian entre Governu no Autoridade Rejiaun Administrativa Espesiál Oekusi Ambenu [Oe-Cusse Ambenu]**

Uza medida ne'e tuir nia mandatu ikus, iha loron 31 fulan-dezemburu tinan 2015, husi Komisaun ba Koordinasaun no Akompañamentu. Iha diálgu institusionál ho Autoridade Rejiaun Administrativa Espesiál Oekusi Ambenu nian (RAEOA), buka koordena no supervizona transferénsia funsaun, atividade, meu rekursu sira Governu nian no Administrasaun Públika, sentrál no deskonsetrada ba Autoridade ne'ebé refere.

Iha sorumutuk ida ne'ebé realiza iha loron 5 fulan-novemburu, iha Portu Mahata, iha Oekusi Ambenu, Komisaun ba Koordinasaun no Akompañamentu, diriji husi Primeiru-Ministru no ho partisipasaun Prezidente Autoridade RAEOA nian, membru Governu no sekretáriu rejional sira, konsidera ona katak nia hala'o ona nia mandatu legál hodi garante dezvoltimentu ne'ebé di'ak ba programa no projetu sira ne'ebé transfere ona ba Rejiaun, no mós artikulasaun interinstitusionál ba asisténsia Governu nian iha inísiu ba Programa Zona Espesiál sira Ekonomia Sosiál Merkadu nian Oekusi Ambenu no Ataúru [Ataúro] nian.

Diploma ida ne'e fó nafatin artikulasaun institusionál, iha nível setoriál, entre ministériu sira no ninia instituisaun sira no organizmu sira, ho Autoridade RAEOA nian. Fó dalan ba ministru sira bele estabelese protokolu sira kolaborasaun nian ho Prezidente Autoridade atu define tipu asisténsia téknika no administrativa nian ne'ebé ministériu ida-idak bele fó. Ida ne'e mós iha possibilidade ba nomeasun nian



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

ba funsionáriu ida ka ajente públiku husi ministériu, atu organiza no koordena assisténsia téknika no administrativa ne'ebé mak atu hala'o.

## **2. Rezolusaun Governu nian kona-ba nomeasaun ba Reitor foun Universidade Nasionál Timor Lorosa'e (UNTL)**

Konsellu Ministru nomeia ona Reitor UNTL nian Profésor Doutor Francisco Miguel Martins, ba mandatu tinan lima nian. Nomeasaun ne'e respeita ba rezultadu sira eleisaun nian ne'ebé hala'o husi Konsellu Jerál UNTL nian, ne'ebé hili ona akadémiku ne'e, ho votu maioria, no tanba rekoñese ninia "integridade ne'ebé aas no independénsia ba nia serbisu". Votasaun ne'e hala'o iha loron 29 fulan jullu tinan 2015.

Konsellu-Ministru hato'o ninia parabens ba Reitor tuan, Doutor Aurélio Guterres, husi nia serbisu ne'ebé durante nia hala'o iha tinan lima ikus ne'e no hato'o ba Profésor Doutor Francisco Miguel Martins, susesu iha ninia mandatu.

Konsellu Ministru analiza mós:

### **1. Rejime ba duodésimu sira**

Ministra Finansas informa ona ba Konsellu-Ministru kona-ba prosesu jestaun finanseira husi Estadu iha rejime duodésimu nian, ne'ebé hala'o daudaun bainhira Orsamentu Jerál ba Estadu tina 2016 nian hein ratifikasaun atu tama iha vigór.

### **2. El Nino – Relatóriu situasaun iha Timor-Leste**

Ministériu Interiór hato'o informasaun ba Governu kona-ba impaktu sira ne'ebé provoka husi fenómeno klimatíku koñesidu hanesan El Niño no medida hirak ne'ebé maka sei hala'o hela, tuir apresentasaun iha sorumutuk Konsellu-Ministru iha loron 30 fulan-novembru tinan 2015.

Diretór-Jerál Protesaun Sivil informa detallamente ba membru Governu sira kona-ba situasaun ne'ebé sente iha munisípiu sira hotu. Nia hato'o mós atividade sira ne'ebé hala'o husi kedas fulan-novembru tinan liubá, atu hamenus efeitu sira ne'ebé lori desgrasa sira ne'ebé maka mosu daudaun, liuliu iha zona leste país nian, tamba bee menus. Ministériu balun envolve mós ba-ia aplikasaun medida sira, aleinde inklui mós aplikasaun husi medida hirak seluk, hanesan, Planu Espesiál Emerjénsia nian ba Protesaun Sivil, asaun sensibilizasaun nian liuhusi meu komunikasaun sosiál no estudu lokál sira ba konstrusaun bee-posu nian iha munisípiu sira.

Apresenta tiha ona senáriu provável oin-oin, ne'ebé konta istória El Ninu nian iha Timor-Leste, kalendáriu sazonal no desenvolvimentu plantasaun sira nian, liuliu batar no foz. Tuir valór sira ne'e, prepara hela ona asaun hodi hatan, liuliu ba Programa Avaliasaun Nasionál nian, Sistema Nasionál Monitorizasaun no Planu Espesiál Emerjénsia nian ba Protesaun Sivil.

